

欽定大清會典圖

欽定大清會典圖卷二百五十四

輿地一百十六


蒙化廳圖

永北廳圖

鎮沅廳圖

鎮邊廳圖

蒙  
化  
廳  
圖



[illegible]

蒙化廳在省治西北八百二十里。至


京師六千七百一十五里。漾鼻江即黑惠江。自永昌府永平縣南流入界。經廳西北至漾鼻司。左納二小水。屈曲西南流。西為順甯府順甯縣界。折而南入界為碧雞江。又南入順甯縣界。諸始河出廳西山西南流。左右納溪水七。又西南入順甯縣界。注碧雞江。陽江為禮社江西源。出廳西北花判山。南流合兩溪水。折東南。左納盟石河。經廳西又東南。左納教場河。錦溪五道河。又東南至蒼山南。定邊河出廳西南羅求場東南。

流合牟苴河注之。又東南右納窩接河。會白崖江。江一曰白崖臉江。為禮社江東源。自大理府趙州南流入界。毘雌江出廳東北武衛山東流注之。折東南與陽江會。是為禮社江。又東南入景東廳界。阿集左河出廳南鳳凰山南麓。亦曰鳳凰河。東南流。左納虎牙河。牛街河。安定河。又東南入景東廳界。為中川河。公朗河出鳳凰山西麓南流。亦入順甯縣界。注瀾滄江。廳東界楚雄府。西及西南界順甯府。北界大理府。南及東南界景東廳。西北界永昌府。

永  
北  
廳  
圖



[illegible]




永北廳在省治西北一千四百里。至


京師六千九百六十五里。金沙江自麗江府麗江縣緣界南流經廳西北受無量河。河上流曰五郎河。亦自其縣南來經廳西北曰無量河。屈曲南流經幹如山西左納一小水。又南左右各納一小水。又南經裕寶廠西。西番河自廳東北合走馬河。跼河大松河清水河西卜河西流注之。觀音河自廳北西流合丙草海。又會南汎河北。泥河板山河合流之水及陳廣河西北流注之。折西南入金沙江。金沙江又南流西為大理府

鶴慶州界。又南烏浦海合底當河西流注之。又南右受枯木河。答旦河折而東。程海自廳南南流為滿官河。左會期納河。劉官河合。流水為三道河。屈西南注之。南為賓川州界。又東經金宿山南。又東流南為楚雄府姚州及大姚縣界。至魚乍江汎。他留河出廳東山合矣。察河北那河諸水注之。又東入大姚縣界。鴉礮江自四川甯遠府鹽源縣緣界東南流。經廳東北。勒汲河即打沖河。自廳北合永甯汎。瀘沽湖諸水東北流注之。又東受鹽井河。河亦自其縣西北流。經廳

東北菹蕪汎河合白角河別列河水注之。又西北注鴉礮江。仍入其縣界。廳東至北界四川甯遠府。西界麗江府。西南界大理府。東南界楚雄府。

鎮沅廳圖









鎮沅廳在省治西南九百十里至

京師六千八百五里。景來河即把邊江上流為中  
川江。自景東廳南流入界。經廳東北曰景來河。  
左納蠻岡河。右納阿薩河。迤東南左納怕莫河。  
右納大弄河。經樹根坡東又南左納凹必河。至  
新撫司東為新撫河。左納蠻莫河。始為把邊江。  
又南入普洱府他郎廳界。阿墨江一日谷麻江。  
上流為魯馬河。亦自景東廳南流入界。經廳東  
北蒙樂山東又東南錯入元江州新平縣界。復  
經廳東南折南流亦入他郎廳界。猛統河自景

東廳南流入界。經廳西北。按板井西。又南流。經治西。又東南。受蠻況河。河四源並出廳東北境。曰南祝河。茂度河。蠻貴河。由里河。合為蠻況河。西南流。注猛統河。是為杉木江。又南左。納恩更河。右。納正統河。又西南。入普洱府威遠廳界。猛賴河。出廳東南境。二源合南流。攔馬江。自其東來。會又西南。亦入威遠廳界。禮社江。自楚雄府南安州緣界東南。流入新平縣界。廳東界。元江直隸州。西至北界。景東廳。南界。普洱府。

鎮邊廳圖





鎮邊廳在省治西南一千八百三十里。至

京師七千七百一十里。瀾滄江自順甯府緣界南流。經廳東北。其東為景東廳界。迤西南經雙營盤東。又西南經園控東。受棘蒜江。江上流為小黑江。自順甯府耿馬土司東南來經廳北。合上下猛允水。東流為賽罕渡。經仙人山麓。合猛滲河南猛河仙人山水。東南流為棘蒜江。注瀾滄江。瀾滄江又南。蠻怕河合東河水東流注之。又東南經習遠山麓。其東為普洱府思茅廳界。又東南至大雅口。黑河出廳西狝狉界。東流迤南經雜花谷南為南堆河。

亦曰南對河。又東流左受一小水為蠻連河。又東為黑河來注之。亦曰札糯江。又東南入思茅廳界。南底河出廳東南。合一小水東流。亦入思茅廳界。乾河出廳西磨刀廠東流。老炭山水自其北注之。又東經廳南。又東經小寨南。又東左納南水河。又東入思茅廳車里土司界。南康河出廳西狝狝山南流。合英河亦出狝狝山。合猛梭壩水注之。又西南入蟒冷夷界。南西河一曰金河亦出狝狝山東南流。南康河合英河。猛梭壩河來會。又南入蟒冷夷界。廳東界普洱府。西界野狝

玃山南界蟒冷夷北界順甯府東北界景東廳  
東南界緬甸



欽定大清會典圖卷二百五十五


輿地一百十七


廣西州圖

武定州圖

元江州圖

廣西州圖





廣西州在省治東南四百里。至


京師五千八百七十里。領縣三。東北師宗。西南彌勒。東南邱北。南盤江自臨安府甯州緣界南流。經州西。受巴甸河。河亦曰八盤江。出州北。額勒哨南。西南流。經彌勒縣東。為瀑布。河右納白馬河山。金河水。至縣南。阿欲泉水出縣西。阿欲部山河二水東流注之。又南左納竹園村龍潭水。又南為息宰河。又西南入臨安府甯州界。注南盤江。南盤江復東北流。經州南。又東北至小江口。小江水出五簍南。西流注之。又北左納一小


水。又北經猴街東。折東北經飛土曹南。又東北為混水江。又東北五羅河水出師宗縣東南。難當坡自其北注之。又東北清水河出邱北縣西龍潭。東北流經舊維摩州東至壩林曹東注之。又東折北為八達河入廣西泗城府西隆州界。蛇湯河自曲靖府陸涼州東南流入界。經師宗縣北。落龍洞水出師宗縣南東北流左合通元洞水。經縣東注之。又東為棲革河。仍入羅平州界矣。邦池在州南。二源一出州西北為矣戈河。南流經阿盧洞伏流至州南。一出州東北為東

河西流來會。匯為矣邦池。又東南匯為支酺塘。  
一曰知府塘。州東界廣西泗城府。西界臨安府。  
南界開化府。北界曲靖府。東南界廣南府。西北  
界潞江府。

武定州圖








武定州在省治西北一百八十里至


京師六千一百一十五里。領縣二。西北元謀東北  
祿勸。金沙江自楚雄府大姚縣東南流入界。至  
江驛。汎南會龍川江。江自楚雄府定遠縣來。東  
北流。經元謀縣西南。右納南號河。黑占乾河水。  
至縣北。右納虛仁驛來一水。又北。羅叉乾河上。  
永定遠縣之猛令河。東北流注之。又屈東北。爐  
頭河。自楚雄府大姚縣來。合于茂乾河。為苴甯  
河。東流注之。又北。與金沙江會。金沙江又東。東  
安河。自四川甯遠府會理州來。南流注之。又東。

大環川出州西南鋪哇山北流合插甸河水及  
二小水北流注之。又東兩溪合滾水北流注之。  
又東玉虹河亦自其州來南流注之。又東入東  
川府巧家廳界普渡河上流為螳螂川水自雲  
南府富民縣北流入界經州東南受盤龍河河  
出州南天馬山北鷹鵠河出州西北倚朵山合  
鳩水河東南流注之。又東左納清水河又東掌  
鳩河出祿勸縣北撒甸汛南流合撒甸河鷓鴣  
河諸小水經縣治東注之。又東注普渡河普渡  
河又北經祿勸縣東折而西至普渡汛復折西

北經九龍山東。又北左納烏龍河水。又東北入  
會理州界。府東至南界雲南府。西及西南界楚  
雄府。北界四川甯遠府。東北界東川府。

元江州圖







元江州在省治西南五百二十里。至

京師六千三百七十五里。領縣一。東北新平。元江上流曰禮社江。自楚雄府南安州南流入界。經新平縣西。麻哈江一曰小江。上流為丁癸江。自臨安府碧峨縣西南來。合七曲河注之。為三岔河。亦曰三江口。又東南化龍河水出新平縣西北。山西南流。合六乃河。漫干箐水賓橘河注之。為夏賽江。又東南右納南倉河南。茂龍河。又東南左納鷺得河。右納了味河。馬龍河。又東南為磨沙河。左納楊家冲樹木拉河。又東南右納它

害河。左納南麻河。又東南經州治西北。始為元江。右納漫綫河。左納甘莊河。又東南右納南淇河。經州治北。又東南。義良河上源曰清水河。出州南境北流折而東注之。又東南左納雙渠溝水。又東南右納南浣河。又東南左納矣落河。又東南入臨安府建水縣納樓土司界。為小河。龜樞河在州東北二源。東源曰臘猛河。西源曰亞泥河。亞泥河自臨安府甯義縣東南來。經新平縣東北。右納清水河。又東南平甸河水合上下中他拉水青龍水洪本泉太和宮水馬家箐窰

房箐水頭道箐水二道箐水大箐水得勒箐水  
西南流注之。又東南高粱沖水合母苴魯河東  
南流注之。又東南經大開門為大開門河。鍋廠  
河合揚武河東北流注之。又東南至魯魁山東  
與東源臘猛河會。臘猛河亦自嶺戕縣東南來。  
經新平縣北。又南經怕念鄉東北為怕念河。右  
納怕念鄉水及北麓水。左納西山水。又南至甘  
棠為甘棠河。羅呂鄉水合牛尾沖水。西澗河羊  
毛沖水來會。又東南與西源亞泥河會。兩河既  
會。是為龜樞河。錯經臨安府界。折西復經魯魁

山南納藤子箐水。復折東南經州東北。小河亦其縣來西流注之。廠溝河合相見。溝馬鹿塘南箐水東流注之。又東南右納大小哨水。又東南入臨安府石屏州界。注禮社江。李仙江自普洱府治甯洱縣東南來。經州西南。受阿墨江。江自鎮沅廳東南來。曰谷麻江。錯入普洱府他郎廳界。復經州西。曰布固江。南流來與李仙江會。李仙江又東南。薩普河自其北來。會是為三江口。又東南仍入普洱府思茅廳界。州東至北界臨安府。西至南界普洱府。西北界楚雄府。鎮沅廳。

欽定大清會典圖卷二百五十六

輿地一百十八


貴州省全圖


貴陽府圖

思州府圖

思南府圖

貴州省全圖







貴州省在


京師西南。貴陽府為省治。貴州巡撫布政司共治馬。統府十二廳三州。一貴陽府。東南都勻府。黎平府。西南安順府。興義府。普安廳。東南平越州。遵義府。鎮遠府。石阡府。思州府。銅仁府。思南府。松桃廳。西北大定府。仁懷廳。烏江上源曰七星河。出大定府西南。東北流。則底河自雲南南來注之。又經府南而東。會鴨池河。為烏江。又經貴陽府西北。會雞公河。又北折東。經貴陽府北。遵義府南。甕首河。合明河。為清江。來會。又東經平


越州及石阡府北思南府東又北入四川酉陽州界酉水南源為牛角河出松桃廳東北流亦入酉陽州界沱江亦出廳南入湖南鳳凰廳界芙蓉江出思南府松坎河出遵義府俱北流入四川重慶府界赤水河自雲南昭通府東流入境經大定府西南折西錯入四川敘永廳界復入境經遵義府西北又經仁懷廳南曲北流復經遵義府西北入四川瀘州界沅江上源二一為馬尾河出都勻府一為緒梁江出平越州合東流為清水江又東為沅江入湖南靖州界瀘

水出鎮遠府。東流經思州府南入湖南。晃州廳界。辰水出銅仁府。東流入湖南沅州府界。都江出都勻府南。東流入廣西柳州府界。北盤江出大定府西南。南流錯入雲南曲靖府界。復東北流入境。經府及安順府西南。控長江出普安廳東北流注之。又經興義府東北合富谷河。又南。南盤江上源曰八達河。自雲南廣西州緣界東北流來會。又東緣廣西泗城府界。濛江出貴陽府南。南流注之。又東。巴盤江南流注之。折南入廣西慶遠府界。勞村江出都勻府東南。南流亦

入慶遠府界。東至湖南界。西至雲南界。北至四川界。南至廣西界。

貴陽府圖





貴陽府為貴州省治至

京師四千七百四十里。領廳一州三縣四。治貴筑。東貴定。東南龍里。西南定番州。廣順州。羅斛廳。東北開州。西北修文。烏江自大定府黔西州西流入界。經修文縣西北。受雞公河。河自安順府普定縣東流入界。經廣順州南。合一水。折北出界。復經修文縣西。石洞水合孟冲諸水。西流注之。又北注烏江。烏江折北流為六廣河。又北沙溪亦自黔西州來東流注之。又緣界東流。右納養龍水。經開州北。洋水河。橫水河。合北流注之。





又東南會清水江。江上源曰甕首河。出平伐土司南。東北流。錯入都勻府界。復經貴定縣南。合加牙河。北流。經縣西。又北。八字河西北流注之。又北。博奇河上承新安水。老羅水東門水東龍洞河諸水東北流注之。又西北至府治東北巴香汛。南明河一曰三水江。出廣順州東北境。合濟番河。四方河。阿江河。折東經府治南。合二水及龍洞河東北流注之。又北經開州東。洗泥河自州南東北流注之。可渡河自州東東北伏流復出為落旺河注之。又東與烏江會。烏江又東。

入平越州甕安縣界。北盤江自興義府合南盤江。即紅水江。緣界東流。經羅斛廳南。受濛江。江出定番州西北。東北流。經廣順州東。合一水折而南。復經州東。左納一水。又西南右納崇水。潮井水。曲東南左納白水河。及一水。又西南。尅孟河。猛渡河。合東南注之。又南流注北盤江。北盤江又東。巴盤江上流曰豐甯河。自都勻府都勻縣來。合藤茶河。諸水西流折南注之。又東南入廣西泗城府界。仍為紅水江。陽寶山在貴定縣北。西望山在修文縣北。府東及東北界平越州。

西界安順府。南界廣西泗城府。北界遵義府。東  
南界都勻府。西南界興義府。西北界大定府。

思州府圖







思州府在省治東北六百二十里。至

京師四千二百十里。領縣二。東玉屏。南清溪。平江。自鎮遠府治東北流入界。經清溪縣南。右納一水。經府治東南。潞瀨河出府治西北山。合洪寨河。施溪。灑溪。架溪。東南流來會。又東北經玉屏縣西。一水自鎮遠府天柱縣來。西北流注之。又東北。戶溪。東南流注之。易家河。合丈水。河南流注之。又東北入湖南晃州廳界。為潯水。府東界湖南晃州廳。西至東南界鎮遠府。北界銅仁府。西北界石阡府。東北界湖南沅州府。

思南府圖







思南府在省治東北六百四十五里至

京師四千一百七十里。領縣三。北安化。東北印江。  
西北婺川。烏江自石阡府東北流入界。經府治。  
西南受清江溪。溪自其府龍泉縣來。合松溪河。  
東流。鸚鵡溪合板坪河南流注之。又東注烏江。  
烏江又東折北。思印江自松桃廳來西北流合。  
一水注之。又北三岔小河自四川酉陽州來西。  
流注之。又東北入酉陽州界。洪渡河上流為豐。  
樂河。自石阡府龍泉縣東北流入界。經府治西。  
北合一水。經簡家溝。又東北左納一水。經婺川。

縣南左納龍登河。經縣東會曉洋江。又東北亦入酉陽州界。芙蓉江出婺川縣西。西北流錯入遵義府正安州界。復經縣西北。北流入四川重慶府涪州界。府東界松桃廳。西至南界石阡府。北及東北界四川酉陽州。東南界銅仁府。西北界遵義府四川重慶府。